

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1764

[Text]

[urn:nbn:de:bsz:31-295098](#)

PERIODUS V.
SIVE
CHRISTOPHORIANA
C A P U T I .
C H R I S T O P H O R U S
A. 1475 --- 1527.



§. I.

ernhardianam Periodum, bellicis agitata tumultibus Introi-
excipit Christophoriana; primis sub Marchioni-
bus tranquillior; sub mediis bello quoque stre-
pens & armis.

Pax publica, veteri ignorata Germaniæ, in solennibus Wor-
matiæ Comitiis seculo XV. finiente condita, non Marchiæ modo
Badensi, sed omnibus Germaniæ terris tempora pacatoria induxit.
Velitationes continuæ, diffidationes quas vocant, quæ per tot sæ-
cula miseram turbarunt Germaniam, in perpetuum proscriptæ sunt.

Gg 3

Bonæ literæ & artes, ex Græcia per Italiam Germanis allatæ, bellicosam nationis indolem non parum mitigaverant.

Verum enimvero ipsæ hæ politiores literæ, homines humaniores quæ reddunt; quæ magnum Germaniæ decus attulerunt & lumen, magnis quoque in cultu religioso conversionibus rerum occasionem dederunt. Marchiones Badenses, aliorum Germaniæ Procerum exemplo, vel veteribus vel novis sacrī addicti, facrorum suorum formam populis, sibi subiectis, quoque dederunt pro lege. In Marchia utraque Badensi, in Hachbergica ceterisque horum Principum terris cultus divini ratio aliquoties mutata, restaurata, abolita; donec bello tricennali, medios inter belli furores, duas inter Lineas Badenses, quæ subsistunt, res denique transacta, & Westphalica Pacificatione firmata.

§. II.

Christophori initia.

In limine hujus Periodi stat Princeps, quo majorem, meliorem nunquam Marchia vidit, CHRISTOPHORUS, pacis & belli artibus clarus; verus populi sui pater.

Immortalis memoriæ Princeps primam lucem aspergit
A. 1453. d. 13. Novembris, magno patre major & felicior filius, cui in Marchicis terris cum fratre succedit. Juvenis viginti duo annorum ad Fridericum IV. Imperatorem, avunculum suum, Francofurtum profectus est, qui excelsæ indolis nepotem in comitatu suo retinuit, eique Badensia Imperii seuda, Alberto quoque fratre

incluso, solenni ceremonia contulit. In laterculo feudorum utraque Badensis & Hachbergensis Marchia, Ebersteinii Comitatus dimidia pars, Dominium Usenberg, Windeckiana Bona cum Stutzhemio Alsatiæ vico enumerantur. (a) Prima hæc, quam novimus, investitura Hachbergæ a Cæsaribus facta; præcedentes de sola Badæ Marchia loquuntur.

§. III.

Antiquis Imperatorum Privilegiis accesserunt tum nova; Privileg.
quorum summa hoc reddit. Marchionum Badensium Vasallos, of-
ficiales, subditos & qui in eorum sunt protectione seu advocatia,
coram Judicio Cæsaris Aulico, Rotwileni, vel Provincialibus aliis-
que judiciis convenire non liceat; sed iustites eis motæ, ad ipsos
Marchiones vel ad eorum tribunalia remittantur. Quod si justitiæ
rationem non habeant Marchiones, aut ultra sex septimanas & tri-
duum protrahant litem, actori sit integrum ad alium quoque judi-
cem causam deferre. E terris Badensibus profugos, dominis in-
vitis, recipiat nemo, sed potentibus Marchionibus eorumque Præ-
fectis, etiam post viginti restituat annos. Proscriptos recipiendi
jus tribuitur Marchionibus; qui tamen prosequentibus eos admi-

Cæsar.

(a) Literæ die Veneris ante Simonis & Judæ conscriptæ exhibentur a LUNI-
GIO, *Reichs-Archiv Fortsetzung der anderen Continuation Vierter Abtheilung,* Neunter Absatz pag. 947. SCHILTER in *Scriptorib. Rerum Germanicar. inter Documenta* p. 101.

CHRIST.

nistrent justitiam. (b) Serenissimi (*Durchleuchtig*) titulus a Christophori tempore Marchionibus Badæ hinc inde tribuitur, Cæsares tamen, nec in hoc privilegio nec in sequentibus ante Leopoldum Imp. A. 1664. hujus tituli meminerunt.

§. IV.

Varia.

Eodem anno (1475.) in Colonensi conventu bellica contra Carolum Burgundum expeditio decreta. Cæsar mensis Maji initio cum octoginta millium armatorum exercitu Colonia egrefsus, ad Novegium, quam urbem Carolus obsederat, contendit. Post duos conflictus soluta obsidio & pax inita fuit. (c) In expeditione hac copias quoque suas Cæsari adduxit Christophorus; (d) qui eo ipso tempore cum Wirtenbergæ Comitibus super fabricam communis monetæ ad decennium Leonbergæ conventionem initit. (e)

Albert-

(b) Super privilegia hæc Diplomata duo, A. 1475. die Martis ante Simonis & Judæ data, exhibit LUNIG loc. alleg. p. 944. sq. SCHILTER loco alleg. p. 103. & 105.

(c) MICHAEL BOIEMUS in *Vita Alberti* §. 9. JAC. UNRESTVS in *Chron. Austr.* pag. 597. EMANUEL SUEYRO *Annales de Flandres* p. 525.

(d) GERARDUS A ROO pag. 281. scribit: „Eodem die advenit Christophorus Marchio Badenis & postridie Henricus Hassorum Princeps „ Hermanni frater cum non contempnendis uterque copiis.

(e) PETRI Suevia Ecclesiastica p. 710.

Albertus frater A. 1476. Marchiam ei omnem per sexen-
nium soli regendam reliquit; quo tempore elapso, instituta est in-
ter fratres divisio, conciliante Saufenbergico Marchione Rudol-
pho. Christophorus Marchiam Badæ & dimidiam Comitatus
Ebersteinii, atque Dynastiae Lahrensis oppigneratae partem acce-
pit. Alberto Marchia tota Hachbergæ obvenit. Fratrum utri-
que terras oppigneratas reluendi jus servatum, & hereditas ma-
tris. Cum autem Maximiliano contra Brugenses operam præ-
stans, in obsidione Belgici oppidi Damm Albertus A. 1488. periisset
improlis, Marchicas suæ lineæ terras omnes solus denique conjun-
xit Christophorus.

§. V.

Hic A. 1477. cum Moguntino, Trevirensi Electoribus, Varia
aliisque Imperii magnatibus Maximilianum in Flandriam comita-
tus est, ut solennitati nuptiarum, quas ille cum Maria Burgundi-
ca celebravit Gandavi, interesset. (f)

Eodem anno diploma a Friderico IV. obtinuit; quo firma-
tum est privilegium Carolo patri ejus datum, ut intra unum a
Pfortzhemio milliare, a vectoribus super quacunque via exigi pos-
set vectigal. (g)

Tom. II.

Hh

(f) HARAEI *Annales Brabantiae* Tom. I. p. 452. LE PETIT *Chronique de
Hollande &c.* Tom. I. Liv. 6. p. 524.

(g) Scriptum Vindobonæ die ultimo Martii extat in LUNIG loc. allegat.
p. 948. & SCHILTER, p. 107.

CHRIST.

A 1479. Albertum, ex Comitum Palatinorum familia Argentinensium Antistitem, cum more majorum Civitatem introisset, una cum Philippo Electore Palatino aliisque Principibus Christophorus comitatus est. (h)

Tum quoque Maximiliano Archiduci, bello cum Gallis implicito, utilem navavit operam; capto inter alia Luxemburgi Castro; ex quo Johannem Domarianum, Gallicæ partis equitem ejecit, teste inscriptione Luxemburgi superstite, quam exhibet **BERTHOLETUS.** (i)

§. VI.

Successio
Cattimel-
liboc.

Eodem anno (1479) Philippus, Cattimelibocensem Comitum postremus, decepsit, septuaginta septem annorum senex; filiam Annam & ex filio cognomine, qui viginti quinque annis an-

(h) *Chronicon Mscpt. Argent. Anonymi.*(i) *Historiae Luxemburg. Tom. VIII. pag. 7. Inscriptio hæc est:*

Messire Christophe Marquis de Baden
Presentement Capitaine & Gouverneur
du Duché de Luxembourg
Prit par les armes ce Chateau de Luxembourg
Au nom de tres haut & tres puissant Prince & Seigneur
Maximilien Roi des Romains
Sur Jean de S. Domarien Chevalier qui pour lors
Tenant le parti du Roi de France & des Fiamans
L'occupoit contre le fusdit Roi des Romains.

te patrem obierat, unicam neptem relinquens Otiliam, Christophori Marchionis nostri uxorem. Anna Henricum Landgravium Hassiae habuerat conjugem. Inter duas has Principes, amitam nempe & fratri filiam, de succeßione certatum.

Cattimelibocensis Comitatus, uti pleræque Imperii ditiones, allodiis constabat & feudis. Feuda vel ab Imperio, vel a Principibus Ecclesiasticis, præsertim Herbipolensi Episcopo, aliisque pendebant. (k) Otilia dimidiam hereditatis avitæ partem jure representationis sibi deberi contendit; allodia magis, quam feuda affectans. (l) Anna vero Comitatum vicinum omnem, Hassi conjugis sui ope, occupavit; feuda ex conventione ficeri cum dominis directis, (m) allodia jure sanguinis sibi vindicans; proxima heres defuncti; (n) filia quod gradu propior nepte.

Tom. II.

Hh 2

(k) MULLERI *Reichstags-Theatr. sub Maximiliano I. Part. I. 2te Vorstellung.*
Cap. 68. §. 10. p. 611.

(l) „ Ihre Förderung und Ansprach um ihr Anherrlich Vetterlich und Mitterlich nachgelassene ligende Erbgüter und fahrende Habe und ihre Ge rechtigkeit der obgedachten Graveschafften Katzenelnbogen und Diez. „ Verba sunt Instrumenti renunciationis Otiliae.

(m) Ad conventionem hanc provocant Hassi; teste MULLERO loco allegat. pag. 5. JurisConsulti Parisienses in Responso super litem inter Hassios & Naffovios, pro Philippo Hassiae Landgravio pronuntiant; habita præfertim ratione literarum simultaneæ investiture, quas A. 1470. Philippus Comes Cattimelibocensis ejusque gener Henricus Hassius à Rudolpho Herbipolensi Episcopo obtinuerunt. Vid. CAROLUS MOLINAEUS *Con fil. 18. Operum Tom. II. p. 865.*

(n) In instrumento renunciationis Otiliae Henricus Landgravius vocatur

Lis de ea
& renun-
ciatio.

§. VII.

Christophorus Otiliae uxoris suæ nomine in Aula Cæsarea A. 1480. item instituit, ac Fridericum fratrem, qui dein Ultrajectensium Antistes, misit ad Cæsarem, causam ut ageret præfens. (o) Cæsar Landgravium ad tribunal vocavit. (p) Sed post biennii moram, separatio allodiorum a feudis & alia, quæ in disceptationem veniebant, difficiliorem in dies cum redderent litem, Hasso constanter in possessione Comitatus manente, Christophorus denique in amicam cum Landgravio transactionem consenfit; accepta, quam Henricus obtulerat, pecuniæ summa. Actio in hereditatem avitam renunciavit Otilia, servato sibi tantum successionis jure, si quando omnis Henrici extingueretur posteritas. Instrumentum hac super re A. 1482. mense Mayo conditum est Badæ. (q)

„ Der nechste Erb der Graveschafft Katzenelnbogen und Diez von wegen
„ der Hochgebohrnen Fürstinnen seiner Gnaden Gemaheln, Frau Annen
„ Lautgrävin zu Hessen &c, gebohrne Grävinne zu Cazenelnbogen und zu
„ Diez, des gedachten Graven Philippsen Dochter. „

(o) Literæ Credentiales, quas vocant, Friderico àd Cæsarem datæ, extant in Tabulario Bada-Badenfi.

(p) Mandatum Imperiale cum citatione in eodem Tabulario servatur.

(q) MULLERUS Reichstags-Theatr. sub Friderico IV. Vte Vorstell. Cap. 12.

pag. 55.

Ita ex divite Cattimelibocensi successione ad Badenses nihil pervenit. Christophori avunculus Cæsar procul dubio induxit eum, ut cum Hafso transfigeret; quod in Aulico judicio eum causa casurum esse existimavit.

§. VIII.

Post institutam cum Hafso litem Christophorus A. 1481. Expedi-
in expeditione Geldrica Maximilianum secutus est. (r)

Gel-
dricha
aliaqua.

A. 1486. Electores ad eligendum Romanorum Regem Francofurti convenerant. Marchio noster Friderico Imp. ad conventum hunc proficiscenti comes adhæsit. (s) Habita tum quoque Imperii Comitia, in quibus de bello contra Turcas quæsumum. Christophoro, una cum Wurtzburgensi & Passaviensi Episcopis & Brandenburgi Marchione, id datum negotii, ut deliberatione cum legato Pontificis habita, decernerent, quid factō sit opus, eaque de re Cæsarem & Electores docerent. (t) Maximilianus Rex Romanorum electus, coronationis causa Aquisgranum deductus est. Christophorus & Albertus frater in itinere nobilium agmen duxerunt. (u)

Hh 3

(r) LE PETIT *Chronique de Hollande &c.* Tom. I. Liv. 6. p. 537.(s) MULLER. *Reichstags-Theatr. sub Friderico IV.* VIIe Vorstellung Cap. 1.

pag. 2.

(t) FUGGER. *Speculum Austr.* Lib. V. Cap. 35. p. 952.

(u) IDEM loc. cit.

Expedi-
tio ad-
versus
Brugen-
ses.

§. IX.

Biennio post Civitas Brugensis, seditione cominota, Maximilianum Regem custodiæ mancipaverat. Fridericus pater LXXIII. annorum senex, habitis per Imperium delectibus, quantas potuit copias, filio liberando in Belgium adduxit. Christophorus cum Alberto & Friderico fratribus quater mille pedites, quos suis sumtibus collegerat, exercitu Imperiali conjunxit. (x) Fama de Cæsar's adventu in Flandriam delata, Bruges facinoris pœnitentia ducti, reliquorum Belgii ordinum interventu, post quartum captivitatis mensem libertati restituerunt Maximilianum; præscripta ei pacis formula, quam jurejurando fancire coactus est. Refractaria ille urbe relicta ad patrem iter paravit; sed nondum excesserat Bruges fines, quum Belgarum legati, firmandæ pacis causa, eum adirent. Maximilianus, iratum Cæsar's animum intercessione aliquot Germaniae Procerum mitigandum esse censuit, commendavitque Christophorum ejusque fratres Albertum atque Fridericum, ut ope eorum in gratiam reducerentur Bruges. Badensibus licet injunxerit Cæsar, Flandricas rebellium terras ferro ut persequerentur & flammis, apud eum tamen intercesserunt pro Flandris. Sed flecti non potuit Cæsar, qui cum

(x) FUGGER. loco allegat. Lib. V. Cap. 36. pag. 999. OLIVIER DE LA MARCHE Memoires Lib. II. p. 641.

omnibus copiis in agrum Gandavensem progreffus, in vicinia urbis castra locavit; Flandris è Gallia arcessentibus auxilia, quibus ruinam imminentem averterent. Deinsam, haud ignobile ad Lism oppidum, Galli Flandrique insederant, prohibituri, ne Cæfari ex Hannonia adveharentur commeatus. Christophorus cum quatuor millibus Germanorum peditum missus, nocturno impetu oppidum expugnavit, quadringentis fere hostium cæsis. In Gandavenses deinceps & Brugenses fævitum. Cæsar, relictis cum filio copiis, in Germaniam rediit. In Comitiis Francofurtanis A. 1489. denique compositum est bellum. Conventui huic inter alios Proceres Christophorus quoque cum filio Jacobo interfuit. (y)

§. X.

Luxemburgici Ducatus Regimen pro præstitis officiis Maximilianus Christophoro eodem anno ampla cum potestate tradidit; (z) militarium & civilium rerum ei potestatem committens. In beneficiorum ecclesiasticorum collatione jus præsentandi exerxit; magistratus officio male functos exauktoravit. (a) Promisit Maximilianus, dignitatem Christophoro se non ablaturum, nisi debito eum præmonuerit tempore atque impensarum ratione satis-

Regimen
Ducatus
Luxenb.
Marchio-
ni com-
mittitur.

(y) PONTVS HEVTERVS *Rerum Austriae Lib. III. Cap. 10. II. 16.*

FVGGER, loco alleg. p. 999. sq.

(z) BERTELII *Descriptio Luxemburgici Ducatus* p. 486.

(a) Diploma Middelburgi die 20. Aug. datum in Codice Diplom. exhibemus.

fecerit. (b) Quin & per Vicarium ut regeret Ducatum Marchioni permisit. Luxemburgi Castrum iisdem conditionibus ei traditum est. (c) Marchio, Praefule Cameracensi præsente, Regi fidem adstrinxit. (d)

Silvanectensis Pacis, inter Maximilianum Imperatorem & Carolum VIII. Galliae Regem A. 1493. initæ, tabulas custos & vindex pacis Christophorus sigillo quoque suo firmavit. (e) Hæc de Belgis; nunc ad Germanos redeundum.

§. XI.

Idem
Fœderis
Suevici
focius

Maximilianus Romanorum Rex vix fuerat electus, quum omnibus viribus eo allaboravit, perpetua pax publica tandem ut in Imperio vigeret. Prælusit pace tum ad decennium constituta;

cui

(b) Codex Diplom. Badenfis.

(c) Idem Cod. Diplom.

(d) Gubernium hoc Carolus I. Hispaniæ Rex, Belgii Princeps, A. 1518. Christophoro de novo commisit. Idem Cod. Diplom. ad hunc annum. DRÖLINGERVS in *Lexico Basili.* in Vita Christophori scribit, Maximilianum Christophoro Luxemburgicum oppignerasse Ducatum atque eum postea reluisse; sed asserti sui auctorem non profert.

(e) LEONARD *Traictés de paix* Tom. I. pag. 365. Germanis & Belgis Warandia Pacis usitatiōr, illis præfertim temporibus, quibus paces publicae non nisi temporariæ erant. In Westphalica Pace usus hic quoque adhibitus est.

cui porro firmandæ biennio post Suevos induxit, ut Equester eorum Ordo Liberaeque Civitates inter se ad octennium foedus ini-
rent Eslingæ, quod Bayariæ Ducum & Helveticæ Ligæ retarda-
ret progressus. Suevico foederi Christophorus, à Maximiliano in-
ductus, A. 1489. die Palmarum accessit, quod & Moguntinus
Elector, Brandenburgici Marchiones, Archidux Austriæ, Wirten-
bergæ Dux eodem die fecerunt. (f)

§. XII.

Memorabilior in Badensium Chronicis insequens annus est, Pactum
succes-
sionis
Saufen-
berg.
(1490) que via parata, ut patrimoniales eorum terræ, per tria
fere secula a terra matre distractæ, in unum corpus redirent.

Die Jovis post B. Bartholomæi Philippus Marchio Saufen-
berga-Roetelanus suæ lineæ postremus, mutuae successionis pa-
ctum, quod stilo domestico: *Das Rætelische Gemechte (g) v'l
Erbeinigung* Badenses appellant, cum Christophoro initit; Sa-
crum Domus Badensis Palladium. Quamvis enim Saufenbergi-
cæ Lineæ, quæ junior erat, ad interitum vergenti, senior succe-
dere debuisset, a stipite communi quod fuerant prognatæ; recipro-
ca tamen linearum successio novo pacto roborata est; cuius ca-
pita præcipua heic proponimus Lectori.

Tom. II.

II

(f) *DATT de Pace Publica* Lib. II. cap. 9. & 10.(g) *Dispositio, Conventio, Germanis tum dicebatur Gemæchte, Gemæchtus.*

Si Christophorus sine mascula herede decebat, Marchia Hachbergæ cum Hohinga & oppido Sulzberg ad Philippum perveniat. Philippo absque masculis decadente heredibus, Dynastiæ Rœtela, Saufenberga, Badevilla ad Christophorum perveniant. Unionem hanc hereditariam Officiales & subditi utriusque partis accipiunt & jurejurando confirmant. Neuter aliquid ex Marchicis his terris alienet. Si aliquid vendatur, rei venditæ pecunia in aliam rem utilèm vertatur. Libera sit rerum oppigneratarum superstitionis relutio. Vidualitia uxorum super has terras sint licita. Principis filiæ dos ad octo mille florenos ascendat. Vitudales & dotales terræ suo tempore redeant ad corpus. Alienatio permittitur, si quis Marchici sanguinis ex captivitate redimendus, vel si pia instituenda fundatio. Deficientibus masculis Marchicæ terræ ad filias transeant. Officiales si qui novi creentur, in Pacta hæc jurent. Singulis decenniis subditi jusjurandum renoverent.

Transactionem hanc Maximilianus Cæsar A. 1499. d. 13. Aug. Friburgi Brisgoviae sua auctoritate roboravit per literas, quibus tamen, in scio Christophoro, clausulæ quædam inferræ fuerunt, de quibus infra differitur.

§. XIII.

Turbæ
Weissen-
burg.

Weissenburgensis Abbatiae Regalis Benedictinæ in Alsatia Inferiore motus, à Friderico I. Electore Palatino excitati, à Phi-

lippo Ingenuo aucti, Principes vicinos commoverunt, ut ad componendos eos A. 1491. certatim concurrerent.

Joannes Trottius, miles Thuringus, Mareschallus Aulæ, apud Philippum Monasterii Advocatum gratiosus, Abbatiam duriter habuit, atque in ejus bona manus injecit. Re Romam delata, Elector & Trottius censuræ ecclesiasticæ ab Innocentio VIII. subiecti sunt. Christophorus Electorem amicum, sed in omni hoc vacillantem negotio, ad transactionem cum Abbatia perducere non potuit, nisi post Trottii deceßum. (h)

§. XIV.

Illustre hoc in Annalibus Badenium tempus est, quo Domus hujus opes sub Principe nostro, quem augendis, ordinandis, ornandisque Badenium rebus fata destinasse videbantur, non exigua incrementa ceperunt.

Marchio
Aurei
Velleris
Eques.

Initium factum est ab Aurei Velleris torque; qua Philippus Archidux, Galliae Belgicæ heres, quatuordecim annorum juvenis, Christophorum Marchionem anno, quem recensemus, (1491) ornavit Mechliniae. (i)

At Maximilianus pater tutorque Philippi, strenuam consanguinei sui fidem & operam in Belgicis & Francicis bellis plu-

Tom. II.

Ii 2

(h) TRITHEMIUS in *Chron. Hirsaug.* ad A. 1491.

(i) FUGGER. *Speculum Austriae* Lib. V. cap. 39. p. 1040.

CHRIST.

res per annos constanter expertus, de remuneratione sollicitus, occasionem denique invenit, qua ei domuique ejus gratum animum ostenderet; Dynastias quasdam atque Dominia, in Ducatu Luxemburgico sita, A. 1492. in perpetuum ei conferens feudum, quorum præcipua Domui Badensi ad nostra usque tempora adhærent.

§. XV.

Ditiones
Luxem-
burg. ac-
cipit.

Rodemacheræ, Richemontii, Hesperingæ, (k) Bolchenæ (l) & Vfelingæ (m) feuda intelligo. Rodemachera (n) oppidum, Dynastiæ caput, tribus leucis distans Luxemburgo, fuos a longo tempore habuerat Dynastas, qui per omnem Ducatus Luxemburgici tractum terras possederunt. Sub Carolo Burundiæ Duce, sub Maria & Maximiliano conjugibus, ut & sub

(k) In Instrumento legitur *Hesprenge*, Germ. Herspring.

(l) Feudum Vincentii Comitis Marcañi, à Luxemburgico Ducatu pendens.

(m) Dynastiam hanc prope Rodemacheram, Domino de Clerval olim oppigneratam, Vincentius Marcanus redemerat, ut Charta nos docet.

(n) Tria sunt Ducatus Luxemburgici oppida, quæ in *Machern* definunt Rodemachern, *Kænigsmachern*, *Grævenmachern*, circa Mosellam flumen. *Machern* pro *Marchern* à Marcha nonnulli derivant, quod loca hæc in finibus Ducatus Luxemburgi, Lotharingiam versus, sita sunt. *ZEILERVS* in *Topographia Ducatus Luxemburgici* p. 242. ubi & annotat, Rodenmachern subinde *Rodenbach* appellari. Idem *ZEILERVS* in *Itinerario Germaniae* cap. 32. pag. 474. scribit *Rodemarck*. *GUICCIARDIUS* *Rodemacriam* appellat in *Descriptione Belgii* p. 292.

Philippo, filio eorum, Gerhardus Rodemacheranus in bellis, cum Ludovico XI. & Carolo VIII. ortis, Gallicas partes fovit, arma contra dominos suos identidem ferens. Maximilianus in literis feudalibus, Marchioni datis, ipse nos docet, Rodemacheræ, Richemontii, Herspringæ Castra tormentis bellicis a se expugnata fuisse, hostibusque erepta. Castra hæc tamen cum terris noluit penes filium suum Philippum manere, sed ut erat indulgens, Bernhardo perduellis Gerhardi filio atque Vincentio Moërsiæ & Sarwerdæ Comiti, tradidit; iniquuam existimans, filium innocentem patris, qui inter hæc mortuus est, luere peccata. Sed Moërsius & Rodemacheranus, accepti beneficij immemores, turbis super matrimonium Annæ Britannicæ inter Carolum VIII. Galliae Regem & Maximilianum exortis, Gallicas denuo secuti sunt partes. Captivus tum Abbevillæ in Picardia tenebatur Carolus, ex Egmontanorum Comitum familia, Geldriæ Dux; (o) cuius pater Adolphus, homo turbidi ingenii, Arnoldum patrem suum olim quoque tenuerat captivum. Carolus Audax, Burgundiæ Dux Geldricum Ducatum ceterasque terras avitas vi abstulit

I i 3

(o) Carolus hic cum Philippo Ravensteinio, copiarum Austriacarum præfecto, Civitatem Bethuniam tentatus, A. 1487. una cum Nassovizæ Comite in Gallorum manus inciderat. JALIGNY *Histoire de Charles VIII.* in Collectione Scriptorum Godofredi pag. 35. BÜZELINVS in *Annalib. Gallo-Flandriæ* Lib. X. p. 467.

MARCUS.

Adolpho. Maximilianus per Mariam Burgundicam, Caroli Audacis filiam atque heredem, accepit Geldriam, & ad annum usque 1492. possedit. Hoc ipso anno Vincentius, Moërsii & Sarwerdæ Comes, quem memoravimus, Gallicis adjutus copiis, Carolum post quinque annorum captivitatem in avitum Geldriæ Ducatum restituit. Vincentii filius, vel ex filia nepos, Bernardus Rodemacheranus Carolo VIII. Galliæ Regi, pro Geldri lytro relictus est obfes. (p.)

Novam hanc Vincentii & Bernhardi vasallorum perfidiam Maximilianus Romanorum Rex punivit, eodemque anno 1492. Dominia utriusque Luxenburgica, superius memorata, fisco ad-

(p) Vincentius Moersanus in Literis Caroli Geldriæ Ducis, ad Fridericum IV. Imp. A. 1492. datis, vocatur Comes de Moërfæ & Sarwerden apud PONTANVM *Histor. Gelriæ* Lib. XI. pag. 597. Vincentii hujus filium obfide pro Carolo apud Galliæ Regem manisse atque in captivitate Gallica A. 1501. obiisse tradit idem PONTANVS loco allegat. pag. 591. 602. 621. At Maximilianus in literis Investiturae, Christophoro Marchioni datis, Bernardum Gerhardi Rodemacherenfis filium, Vincentii Moërfensis nepotem & pupillum in Gallia mansisse obfide, scribit; Mambour & tuteur dudit Bernard son petit fils. Pontani tamen sententiam Belgici scriptores sequuntur. PONTVS HEVTERVS *Rerum Austriaear.* Lib. II. cap. 12. Lib. IV. cap. 4. & HVBERTVS LOYENS in *Synopsi de Lotharingiæ, Brabantia & Limburgi Ducibus* pag. 174. HENNINGES in *Theatr. Geneal. Part. Priore Germaniæ* pag. 416. Bernardum nostrum Rodemacherensem Vincentii ex filio Friderico nepotem constituit. Friderieo uxorem assignat Baronissam de Rodemachern.

dixit; eaque Christophoro Marchioni, Principi sibi fido, & per quadriennium jam Gubernatori Ducatus, praestita ob officia, gratus concessit in feudum. Eadem alia quoque aliorum proscriptorum bona, nempe Comitatum S. Pauli, qui etiam Rubensis dicitur, vernacule *Rouffy* (q) cum parte Dominii *Fontois* & *Berward*, item Dominia *Florenge* (r) & *Ruland* brevi post tradidit. Dynastiam vero *Pittanges* (s) quam domino de Crehanges, ob feloniae crimen ademtam, Friderico Comiti Bitensi vendiderat, redimendi potestatem Christophoro fecit. Singula hæc post Pacem Silvanectensem A. 1494. novis literis confirmavit Maximilianus; speciale hoc quoque jus addens, ut lite super illis ditinibus mota, Christophorus coram solo Cæsare aut Romanorum Rege diceret causam. Confirmatorias donationum istarum Charatas Codex Diplomaticus dabit.

§. XVI.

In Belgio hæc dum suscepit Romanorum Rex, pater ejus Imperator Suevici foederis socios contra Albertum Bavari e Du-

Bello Ba-
varico
involvi-
tur.

(q) In Charta legitur *Rutlich*, dicitur *Saint Paul*. Comitatus inter Luxemburgum & Theodonis villam, (Diedenhofen) quem exponit BERTELIVS in *descriptione Ducatus Luxenburgensis* pag. 256. quæ extat inter Respublicas Elzevirianas. Henricus Luxenburgi Comes Chartam A. 1262. datam ita inchoat: Nos Henricus Comes Luxemburgensis, *Rubensis* & *Marchio Arlunensis*, apud BERTELIVM loco alleg.

(r) In Instrumento *Florhange* prope Theodonis villam.

(s) *Pettanges*, Germ. *Puttingen* inter Luxemburgum & Arlunum, *Arlon*.

CHRIST.

cem armavit. Princeps hic, sapientem quem vocant, vicinæ Ratisbonæ libertati insidiatus, variis artibus rem eo perduxit, ut urbs, debitum onerata & quo se verteret neficia, pristinum sibi fumeret dominum atque A. 1486. Bavariae se subjiceret ditioni. Imperio liberam Civitatem ut restitueret Bavarus, nulla Cæsaris persuasione potuit induci. Collectus est foederatorum exercitus ad Vindelicorum Augustam. Copias quoque suas adjunxit Christophorus. Sed antequam cum Alberto res devenisset ad proelium, Maximilianus, cui tranquillitas publica semper curæ fuit, ad sanatoria eum reduxit consilia atque reconciliavit cum Cæsare, quod eodem, quem exponimus, anno (1492.) evenit. Ratisbona, per sexennium libertate privata, pristinam libertatem fere nolens recepit. (t)

§. XVII.

Robertum Marca in ordinem cogit. Triennio post in expeditione Belgica Maximilianum comitatus est Christophorus; S. Georgii gerens vexillum. (u)

Robertus II. Marcæ Comes Roberti I. A. 1489. defuncti, filius, vir bellax & inquietus, qui postea Bullionii Ducis nomen assumpit, (x) in Leodiensis ditionis partibus Esdainum possidebat Castrum;

(t) FUGGER. *Speculum Austr.* Lib. V. cap. 40. pag. 1055. ADLZREITTER *Annal. Boicor.* Part. II. Lib. IX. cap. 45. fqq.

(u) WENCKE R de Glevenburg. pag. 41. & 43.

(x) Roberti hujus abneptis Carolina (*Charlotte*) nupsit A. 1592. Turriano Vi-

Castrum; (*y*) cuius præfidiarii per regiones vicinas rapinis suis vexabant colonos.

Philippus Archidux misit Christophorum, ut ex Luxemburgensi, Namurensi atque Hannopieni tractibus ad coërcendos prædatores tria peditum millia colligeret. Bulainium Marchio expugnat castellum; prædatores arbore infelici suspendit; Bullionii Castrum tormentis quatit, incendit, evertit. Esdainum interea magnis operibus communivit Marcanus & cum trecentis militibus fortiter defendit; denique Christophoro se tradens, dimissus est liber. (*z*)

§. XVIII.

Tunc temporis (1495.) habita sunt illa Wormatiæ Comitia, quæ publicam quietem apud Germanos tandem stabiliverunt. Interfuit eis Christophorus (*a*) atque a Cæsare in mandatis accepit, ut cum ordine equestri Ortenavico ejus nomine ageret. (*b*) Ordo ille nuper Caroli Badensis instinctu, ejusdem publicæ pacis promovendæ causa, in corpus coiverat.

Gesta
ejus va-
ria.

Tom. II.

Kk

ce-Comiti Turenni Domuique huic Ducatum Bullionii & Sedani intulit.

(*y*) Esdain ad Mosam est situm, inter Mezieres & Tvois.

(*z*) PONTVS HEVTERVS Rerum Austr. Lib. V. cap. 4. FRANCISCVS HARAEVVS in Annalibus Brabantia Tom. I. p. 494.

(*a*) TRITHEMIVS in Chron. Hirsaug. ad h. a. DATT de Pace publ. p. 494.

(*b*) DATT loc. cit. pag. 232.

CHRIST.

A. 1496. Fœderi Suevico, in triennium renovato, accelerat. (c) Tum quoque Philippus Archidux, Civitatis Virdunensis Burgundiæ Gubernatorem Marchionem nostrum constituit; (d) eidemque triennio post annuam 1200. librarum assignavit pensionem.

Anno sequenti cum Eberhardo, Wirtenbergæ Duce, super advocationem Monasterii Albae Dominorum transegit, Maximiliano I. Imp. transactionem firmante. (e)

Eodem tempore Christophorus a Johanne & Jacobo, Moërsii Sarverdæque Comitibus, dimidiam partem Lahrae & Malbergæ coëmit; (f) ita quidem, ut utraque Dynastia a Sarwerdanis & Badensibus indivisim regeretur. A. 1629. fuerunt divisæ. Malberga penes Bada-Badenses mansit, Lahra ad Saræpontanos Comites, Sarverdae heredes, transfivit, qui eam deinceps Bada-Durlacensibus oppigneraverunt.

Pacem
publicam
renovat.

Hæc dum aguntur, Christophorus fratri suo, Trevirensi Archiepiscopo, adversus Boppardientes rebelles, cum Palatino

(c) IDEM pag. 325. & 337.

(d) Chartam hanc, die 8. Januarii datam, Codex Diplom. exhibet.

(e) BESOLDI *Monumenta Wirtenb.* pag. 122. seqq. PETRI *Suevia Sacra* pag. 41.

(f) KLOCK, *Confitor.* Tom. II. Confil. 56.

Rheni & Hassiae Landgravio adduxit auxilia, quibus Boppardia subiecta. (g) Paci publicae contrariari haec visa sunt. Et tamen paulo post (1498) cum Ulrico Wirtenbergae Duce in Comitiis Friburgi Brisgoviae die 26 Julii Wormatiensis pacis publicae fœdus in octennium Marchio noster renovavit. (h)

Neque vero Germanicæ securitati satis prospectum esse reputaverat Cæsar; nisi & augustus Imperii constitueretur Senatus, qui repræsentaret Comitia, subitisque rebus præsens afferret remedium; Turca imminentे Germanis. Senatum hunc Vigintiviralem Cæsar in Comitiis Augustanis A. 1500. Statuum Germaniae consilio instituit, & assessorem ejus constituit Christophorum. (i) Confessus nonnisi per biennium duravit; sub Carolo V. restaurandus ad tempus.

Eodem Cæfare suffragante, eodemque anno, Fœderi Suevico, quod in duodecim annos renovatum, (k) Marchio quoque noster accessit; magna animo consilia revolvens. (l)

Tom. II.

K k 2

Regi-
menti
Imp. con-
fors.

(g) KNIPSCHILD. de *Civitatibus Imperiali*. Lib. IV. cap. 1. p. 350. Vide Joannis Archiepiscopi Trevir. vitam supra.

(h) DATT pag. 796. & 915.

(i) MULLER. *Reichstags-Staat* Lib. I. cap. 5. RECESS. IMP. edit. SENCKENBERG. Part. II. pag. 84. Christophorus ad comitia Augustana Hermannum de Sachsenheim miserat legatum. FUGGER. *Specul. Austr.* Lib. VI. cap. 4. p. 1130.

(k) DATT. p. 350. 443. 446. & 473.

(l) Inter haec Christophorum A. 1501. in Belgio fuisse ex Charta Bruxellis d.

§. XX.

Johan-
nam Sau-
fenb. filio
quæ Hachberga - Saufenbergica vel Rœtelana dicebatur, visa est
querit
uxorem.

Aderat nimirum tempus illud, quo Linea Badensis junior, quæ Hachberga - Saufenbergica vel Rœtelana dicebatur, visa est cum Philippo ad interitum vergere. Opibus hæc multum superavit Hachbergicam, cuius terras proavus Christophori Bernhardus acquisivit. Postremi tres Saufenbergæ Marchiones Burgundiæ Ducibus addicti, principem Ducatus urbem frequentes inhabita- verunt Divionem. Guilielmus, Rudolphus, Philippus, pater, filius & nepos, in Burgundicis terris suis lubentes federunt. Philippus, natu quintus, Christophori filius, vividi ingenii & magnæ indolis Princeps, destinatus a patre, Johannam, Philippi Saufenbergici filiam & heredem unicam, qui duceret uxorem; ut Saufenbergicæ, Rœtelanæ, Badevilerenses terræ, vel patrimoniales vel acquisitæ, cum Badensibus jungerentur & in unum corpus coi- rent. Philippus XXII. annorum tum juvenis in Philippi Saufenbergici aula educabatur; gener ejus, omnes ut credidere, futurus.

Christophorus, hac spe plenus, A. 1501. misit ad Philip- sum legatos Hermannum de Sachsenheim & Johannem de Schauenburg (*m*) cum Georgio Hosio, ab epistolis secretis, qui

27. Sept. data addiscimus, cuius mentio apud OLIVAR. UREDIVM
de Sigillis Comitum Flandriæ p. 133.

(*m*) Prior aulicus ministerialis fuit, quem vocant *Land-Hoffmeister*. Poste- rior dictus est *Haus-Hoffmeister*.

Johannam, ejus filiam, pro filio suo Philippo peterent uxorem. Originis, sanguinis, insignium communio; familiae pacta vinculum hoc novum suadere, imo & exigere videbantur.

§. XXI.

At Marchio, Johannæ pater, audita Legatorum oratione respondit, Ludovico Galliarum Rege inscio, inscioque Amedeo, Sabaudiae Duce, focero suo, quin & insciis vicinis sociis, per quos intellexerat Bernates, filiam in matrimonium se collocare non posse. Addidit tamen elogium agnati juvenis, Philippi Badensis, ejusque virtutes & animi dotes, multis laudibus extulit. (n) Ex responso hoc, quid intenderet Philippus, intellexerunt legati; cum repulsa inexpectata domum reddituri. Christophorus post hæc aliam ingressus est viam; in id unice intentus, ut moriente Philippo, Brisgovicas ejus terras, ex mutuae successionis pacto, ante undecim annos inito, occuparet.

Johanna Saufenbergica, Badensem ingredi quæ debuerat Domum, Longuevillanam ingressa est; atque Burgundicas & Helveticas patris hereditarias terras sibi retinuit & ad posteros suos Longuevillanos propagavit. (o)

K k 3

(n) Hæc ex' Bada-Durlacenfis Tabularii volumine, quo Austregale Spirensis Episcopi Judicium in causa Landgraviatus Badenfum exponitur.

(o) Vide Tomum I. *Histor. Zaringo-Badenfis* p. 418. fqq.

CHRIST.

§. XXIL

In Sau-
senberg.
tamen
Brisgo-
viae ter-
ris succe-
dit.

Rœtelensis autem, Sausenbergica & Badevillensis Dynastiae, virtute pactorum, quæ supra exposui, ad Christophorum transferunt; perpetuo Badensibus terris vinculo iungendæ. Enimvero terrarum istarum incolæ, intellecto Longuevillani, post mortem ficeri, eas postulantis, confilio, A. 1503. Rœtelense Castrum muniverunt præsidio, numeroque decies mille armati in Harda convenerunt australi, (p) unanimi consensu constanter professi, nullum alium se agnituros esse dominum, quam Christophorum Marchionem Badensem.

Lites de-
super
cum
Longue-
vill.

Johanna, de ablatis sibi Brisgoviae Dynastiis apud Helvetios conquesta, in Camera Imperiali litem intendit, quæ inter Longuevillanos & Christophori posteros octoginta per annos continua est. Basilienses a Longuevillanis per aliquod tempus non fuerant alieni. Res tamen, Prætore & Senatu Bernensi arbitris d. 28. Aug. A. 1581. duarum Principum fœminarum interventu, septuaginta octo post annos, composita est.

§. XXIII.

Transa-
ctio.

Maria Longuevillæ & Totavillæ Dux, Novi Castri Comes, Borboniæ Dux nata, Helionori, Longuevillæ Ducis (q) vidua,

(p) *Saufenhard in colle, qui a Slienga vicina dicitur der Sliengenberg.*

(q) Frater hujus Leonori fuit Franciscus Marchio de Rothelin, quod nomen

materque Henrici & Francisci, virtute potestatis, à Galliæ Regibus, Carolo IX. ac dein Henrico III. acceptæ, ut & Anna, Caroli II. Marchionis Bada-Durlacensis vidua, junctis trium Marchionum adolescentium tutoribus, in urbe Berna convenerunt. Declaravit Maria, se pro CCXXV. florenorum millium summa, intra tres annos solvenda, omnibus juribus & actionibus liberorum suorum, coram Judicio Camerali hucusque versantibus, in Rœtelæ, Saufenbergæ & Badevillæ Dynastias, oppidumque Schopfheim, solemniter renunciare. Conditum est Renunciatianis Longuevillanæ Instrumentum solenne, (r) eique Maria Borbonia cum Conſiliariis Aulæ Comitatus Novi Caſtri ſubſcripsit. Bernensis Civitatis nomine Chartam Dachſelhoferus ſignavit. Adjecta fuit ſubſcribentium figilla.

Longuevillanæ gentis fator est Johannes de Aurelia, Duneſſi (*Dunois*) & Longuevillæ Comes, Ludovici Aurelianii Ducis, qui A. 1468. deceſſit, filius nothus, magni animi heros. Franciscus I. Johannis filius, pater fuit Francisci II. in cuius favorem Ludovicus XII. Galliæ Rex, Longuevillanum Comitatum A. 1505.

gentilitium ad posteros propagavit ad hunc usque diem. Habetur ille pro filio ſpuriº Francisci Longuevillani, ex concubina de Bloſſet fuſcepto.

At Bloſſetam hanc legitimam Francisci uxorem fuſſe docebit I.L.L.

Hozierius Inſignium Franciæ judex, ut ipſe ad me ſcripit d. 7. Dec.

1762.

(r) Authenticum in Tabulario Bada-Durlacenſi ſervatur.

Longue-
villano-
rum ori-
go.

CHRIST.

in Ducatum erexit. Frater junior Ludovicus, Johannæ Saufenbergicæ maritus, Rœtelani Marchionis usus est titulo, quamdu frater ejus supererat. Postea & alia hujus Domus linea titulum *Marchionis de Rothelin* accepit. Axioma hoc Longuevillæ Ducem in transactione cum Badensibus sibi reservasse **Z E C H I U S** scribit; (s) at in Charta mentio reservationis non fit.

§. XXIV.

Christoph.
Philippo
fil. terras
affignat. **E**odem anno, quo Saufenbergensem hereditatem adierat Christophorus, Philippo ille filio suo Marchionatum Badensem, Spanhemii & Ebersteinii Comitatuum partes Badenses, cum Dynastia Altensteig attribuit, ita quidem, ut omnia ad heredes transferret. Fecit hoc Heidelbergæ, Electore Philippo Ingenuo, amico suo, præfente; quum nempe eundem Philippum cum Electoris Palatini filia Elisabetha sponsasset. (t) Immutata tamen sunt A. 1510. Mulnbergæ, (u) ubi Christophorus inter tres filios seculares, Bernhardum, Philippum & Ernestum, ratione successio- nis, denuo disposuit. Sed utraque dispositio testamento, quod A. 1515. Christophorus condidit, abolita est, ut suo loco vide- bimus.

Impen-

(s) EVROP. HEROLD. Tom. I. p. 508.

(t) Die Martis post S. Pauli convers.

(u) Die Veneris S. Michaëlis.

Impensæ multiplices, Longuevillanæ litis causa facienda, Wein-
necessitatem Marchioni nostro imposuerunt, ut A. 1504 oppi-
dum & Castrum Weingarten ejusque præfecturam Philippo Inge-
nuo, Electori Palatino, pro 12000. florenis Rhenensibus, cum
pacto antichretico venderet. (x)

Wein-
garten
Palatino
vendit.

§. XXV.

Acquisiverat hæc Elector, magnam Electoratus sui partem
Bavarico mox bello perditurus; eodem nempe anno proscriptus à
Cæsare. Tum vero sanctæ & inviolabilis fidei ac amicitiae speci-
men Christophorus edidit. Nulla enim ratione ab ipso Imperato-
re, cui alias addic̄tissimus fuerat, potuit induci, ut arma contra
Palatinum proscriptum arriperet, atque adeo recuperaret non mo-
do ea, quæ nuper vendiderat, sed & quæ Fridericus Victoriosus
ante hos quadraginta duo annos Carolo patri captivo extorserat.
Rarum Principis moderati exemplum; qui occasionem, a fortu-
na oblatam, maluit contemnere, quam amicum, filii sui sacerum,
hostibus obrutum, suis terris spoliare. (y) Ipsa reconciliatio

A bello
Bavarico
abstinet.

Tom. II.

L1

(x) TOLNERI *Histor. Palat.* Cap. II. p. 54.(y) TRITHEMIVS in *Chron. Hirsaug.* A. 1504. Notum est ejus dictum *Eid und Ehr, gilt bey uns mehr, dann Land und Leut gewinnen.* PAREVS *Histor. Palat.* Lib. VI. Sect. I. pag. 235.

CHRIST.

Philippi Electoris cum Cæsare intercessioni Christophori tribuenda est. (z)

§. XXVI.

Eberstei-
nio pro-
scripto
terras re-
stituit.

Bernhardus III. Ebersteinii Comes, Palatini vasallus & socius, in eodem bello a Cæsare devotus est diris. Bernhardinam Comitatus Ebersteinensis partem Philippo, Christophori filio, Cæsar donavit. Sed & hac liberalitate filium suum frui noluit Christophorus, eumque induxit, ut Ebersteinensis Comitatus ablati partem Bernhardo A. 1505. restitueret; quæ nonnisi sesquicculo post, gente cum Casimiro A. 1660. extincta, variis denique modis ad Badenses rediit. (a)

Magnum
præ se-
animum
ferens.

Moderatio Christophori pro vario hominum ingenio extolitur vel reprehenditur. Palatini scriptores eam multum dilaudant. **TOLNERUS**, (b) postquam Castra, oppida, districtus,

(z) *PONTVS HEVTERVS Rer. Austr. Lib. VI. Cap. 6. FVGGER. Specul. Austr. Lib. VI. Cap. 6. pag. 1155. seq. BROWERVS Annal. Trevir. Lib. XX. pag. 322.* Cæsarem in castris ad Kussteiniam arcem Christophorus adivit.

(a) *ILLI. PREVSCHEN. in Differt. de Comit. Eberstein. in Carlsruher Sammlungen* pag. 422. Imo & partem Sylvæ Gernsperg Badense allodium Bernhardo & posteris in feudum masculinum concessit.

(b) *Historia Palatinæ* pag. 104. Néc silentio hic prætereundus est Johannes senior, Palatino Simmerenfis, qui nullo modo potuit induci, identidem licet invitatus, ut contra Philippum Ingenuum corriperet arma, cum tamen opima quoque spolia ex bello isto reportare potuisset.

quos Bavarus, Wirtenbergicus, Hassus, Bipontinus, Leiningenses, Noribergenses, quin & ipse Maximilianus Philippo Palatino abstulerant, enarrasset, solius Christophori abstinentiam & magnanimitatem multis laudibus effert. Receptius tamen est Machiavelli consilium: ampliandæ potentiae quoties offertur occasio, occasione utendum.

§. XXVII.

Florentes tum fuerant Ludovici XII. Galliæ Regis in regno suo & in Italia opes, ubi Mediolanensem occupaverat Ducatum; Helvetiorum fœderatus; Longuevillani, uti vidimus, Ducis fortunæ promotor.

Fœdus
cum Ma-
ximil.
Imp.

Sinistri quid ab austro quum timuisset Christophorus, A. 1505. die Veneris post Lætare contra Gallos, Helvetios aliosque cum Maximiliano Cæfare fœdus init, quod speciatim Austriacas & Badenses in Alsatia, Brisgovia & Nigra sylva ditiones respexit. Wolfgangus, Furstenbergæ Comes, Alsatiæ superioris & Ortenaviæ Provinciarum Præfectus; Caspar Baro de Mœrsperg, Advocatiæ Alsaticæ Vicarius Austriacus, Cæfaris nomine; David de Landeck, Rœtelanus, & Asimus ad Lacum, Hachbergensis Præfectus, pro Christophoro Marchione fœdus firmarunt sigillis.

CHRIST.

Spanhei-
menſia.

Biennio ante Jacobus Joanni, propatruo suo, Electori Trevirenſi, in hac dignitate ſucceſſerat; Christophori filius. Hic A. 1507. cum patre & cum Johanne Palatino Simmerenſi, qui maximam Comitatus Spanheimenſis partem tenuerant, convenit, ut lites, ob Comitatus jura quædam cum Archiepifcopatu Trevirenſi exortæ, componerentur per arbitros. (c)

§. XXVIII.

West-
phalici
Jud. abo-
litionem
promo-
vet.

Gravamina contra vetus illud inquisitorium Westphaliæ tribunal ſecretum, quod etiam Vemicum dicebatur, a longo jam tempore apud Germanos invaluerunt. Intolerabile viſum eſt Imperii Statibus, cives ſibi ſubditos, inaudita cauſa, ab eo judicari, damnari occultere, & a Scabinis illius Judicij, inſcio ditionis domino, ubiunque deprehenderentur, occidi. (d) Sigismundus & Fridericus IV. Impp. correxerunt abuſus. At Anno 1470. Westphalici illi judices eo audaciae progreſſi fūnt, ut iſpum Cæſarem ad tribunal ſuum citarent. (e) Impotentis horum judicūm dominationis Argentinenses pridem pertaſi, duos eorum emissarios A. 1472. damnarunt ad ſuffocationem in flumine.

(c) HONTHEMIVS *Hijtor. Diplom. Trevir.* Tom. II. p. 582.(d) AENEAS SYLVIUS in *Europa* cap. 37.(e) WENCKER. in *Apparatu Archivor.* p. 383.

Nefandum hoc judicium Cæsar A. 1512. aboluit. Triennio ante Christophorus, atrocitatem judicij hujus quoque indignatus, Argentinenses invitavit, ut mense Augusto ad Hagenensem Conventum, contra Westphalicos judices constitutum, suos quoque mitterent legatos, (*f*) fœdusque contra illos renovarent. Auctoritas, qua apud Cæsarem noster Marchio polluit, judiciorum horum eversionem non parum promovit.

§. XXIX.

Eodem tempore Godesaviensis Monasterii, Durlaco vicini Abbas Jacobus, Benedictinæ familiae, Christophoro Marchioni, Advocato Cœnobii, de terris quibusdam & juribus Romæ item intenderat. Monachi deseruerunt Abbatem, quod temere litigasset. Prosequendæ liti cum negaretur pecunia, in Germaniam rediens, Abbatialem dignitatem deposuit Abbas. (*g*)

Biennio post (1511) firmandæ pacis publicæ causa Mar- Fœdus
chio noster ad vicennium speciale fœdus cum Ulrico inivit Stut- Witten-
berg. gardiæ; (*h*) ubi magno tum apparatu celebratæ sunt nuptiæ, qui-

L 3

(*f*) WENCKER. loco alleg. p. 390.

(*g*) TRITHEMIVS in *Chron. Hirſaug.* ad hunc annum.

(*h*) DATT *de pace publ.* p. 796.

CHRIST.

bus Sabinam, Alberti IV. Bavariae Ducis filiam, uxorem duxit Ulricus; (*i*) turbis in Imperio deinceps excitatis notissimus; a Foedere Suevico suis terris expulsus, quod pacem publicam violasset; quam ut firmaret, cum Christophoro nunc junxerat foedus.

Comitia
Trev. &
Colon.

Anno sequenti habita sunt Treviris atque Agrippinæ Coloniæ Imperii Comitia, quibus eum cum Ernesto & Philippo filiis interfuisse reperio. (*k*)

Lis cum
Austria-
cis de
Sausen-
berg ter-
ris.

§. XXX.

Maximilianus Cæsar Marchionem nostrum licet impense amaverit, a Confiliariis tamen inductus est, ut Brisgovica ejus jura imminuere tentaret. Res altius repetenda est.

Reciprocum illud Rœtelense pactum, a Christophoro & Philippo A. 1490. conditum, Charta sua A. 1499. Cæsar confirmans, non modo Rœtelæ Castrum & oppidum Schopfheim feuda oppignerata, sex mille florenis reliubilia, appellat, sed & ipsis Rœtelæ, Sausenbergæ & Badevillæ terris larvam Landfassiatum inducit; falsa opinione imbutus, Landgraviatum Brisgoviae Austria-

(*i*) TRITHEMIUS in *Chron. Hirsaug.* ad hunc annum.

(*k*) TRITHEMIUS ad hunc annum. FUGGER. in *Specul. Austr.* Lib. VI. cap. XV. p. 1288.

ci juris esse, eique in omnes Brisgovici Pagi terras suprematum adhærere. Marchio clausular., eo inscio additam, constanter rejicit atque contra eam identidem protestatus est; nihil tamen in litteris mutatum.

Ensisheimense tribunal, cui Alsatia Austriaca & Brisgovia suberant, Christophoro A. 1503. Saufenbergo - Rœtelanam hereditatem adeunte, aliquamdiu quievit. At A. 1514. Dynastiarum illarum Praefecti ad Principem referunt, quod Austriacum Regimen collectas, & militaria servitia a Marchicis exigat, quin etiam postulet, ut a judicio Rœtelano (*l*) ad Austriacum Regimen libera provocatio sit.

§. XXXI.

Jacobus Nagelius, Eques, Rœtelanæ Dynastiæ tum fuit Diurna-
rat Praefectus. Causa hac magis magisque ingravescente Legati
Helvetici Corporis, Badæ in Argovia collecti, die Martis ante
Simonis & Judæ Christophoro Marchioni, quin & Civitas Basiliensis
Nagelio studia sua officiaque obtulerunt. Tentata subinde est
compositio litis. Austregalis Judex, Spirensis Episcopus A. 1567.

(*l*) Von dem Kapff zu Rœteln. Kapfengericht, habitum in Castro Rœteleni
sub dio in loco prominente qui *Kapff* vocabatur.

CHRIST.

in prima instantia pro Austriacis sententiam tulit. (m) Lento tam
en gradu in Camera Imperii lis continuata est.

Sueci Exemplo Pacis, quod jam A. 1647. die 14. April.
Cæsareanis obtulerant, hæc verba inferuere: „Renunciant Ar-
„ chiduces Austriae pro se & heredibus in perpetuum actionibus
„ & processibus super Dynastia Rœteln aliisque ditionibus in
„ Camera contra Marchiones institutis. „ (n)

Cum Isaaco Volmaro, Consiliario Cæsareo hac super re
quoque egerat Fridericus V. Marchio Osnabrugæ. (o) Sed fru-
stra laboratum.

Seculi decursu opus erat, omnis ut componeretur conten-
tio, quam Maria Theresia denique A. 1743. terminavit, uti supra
ostensum. (p)

§. XXXII.

Marchio
inter fi-
lios te-
ftamento
disponit.

Duodecim ante obitum annis, (1515) postquam totidem
lustra vitæ cum dimidio expleisset, Christophorus inter filios suos,
seculo addictos, Bernhardum, Philippum, atque Ernestum poste-
mam

(m) ADAMI Relatio de Pacificatione Westphalica cap. 28. §. 17. p. 516.

(n) A MEYERN Acta Pacis Westphal. Tom. V. p. 460.

(o) IDEM pag. 704.

(p) Tom. I. Histor. Zaringo-Badenfis p. 413.

mam divisionem terrarum & Pragmaticam sanctionem Domus constituit, quae hodieque servatur. Praecipua sanctionis hujus capita proponimus lectori.

1. Dispositiones A. 1503. & 1510. a Christophoro factae abrogantur.

2. Bernhardus, filiorum senior, dimidiā partem Comitatus Spanheimensis posterioris, una cum Luxenburgicis Dynastiis, Rodemacher, Reichspurg, Hesperingen & Useldingen; jus super Puttingen, Ruland, quin & super pignus Trevirensē Schoenemberg accepit.

3. Philippi portio Marchionatus Baden cum Altensteig & Beinheim, loca oppignerata Neuenburg & Weingarten, Ebersteinii pars dimidia, Dominia Lahr, & Mahlberg cum vicis a Geroldseckia Domo comparatis.

4. Ernesto destinantur Marchionatus Hachbergæ, cum Usenbergæ, Roetelæ, Badevillæ, Saufenbergæ Dynastiis oppidoque Schopfheim, &c.

5. Officiales & subditi futuris Principibus jurent.

6. Rudolpho filio, qui Clericus, annua centum florenorum pensio decernitur.

CHRIST.

7. Pignora si redimuntur, ad fundorum novorum acquisitionem adhibeatur pecunia.

8. Singuli tres filii cum terris pecuniam, & quidquid reddituum in cellis, granariis, reperitur, ut & supellecitem retineant. Argentea vaſa inter quatuor filios, Burgundica debita inter seculares tres folos dividantur.

9. Singuli sua feuda accipient, sua onera portent; debita terris inhærentia solvant.

10. Quæ debita Christophorus, pro Aulæ suæ sustentatione contraxit, eorum dimidiam partem solus Philippus, alteram Bernhardus & Ernestus junctim perfolvant.

11. Otilia, Christophori uxor, mortuo marito, telonium Boppardiæ percipiat. Bona ejus illata ad reliendas Spanheimenses, Lahrenses, Mahibergenses terras, & ad Luxenburgenses quasdam acquirendas adhibitæ sunt.

12. Commendatur filiis concordia, & si difficultas oriatur, amica compositio, vel juridicum examen.

13. Singuli tres fratres utantur titulo & insignibus Badæ.

14. Filiæ Principes omnes a successione in terris excluduntur, quamdiu masculi supersunt.

15. Dos octo, vel decem millium florenorum illis constituitur.

16. Renuncient in favorem masculorum, duodecimum quum attigerint annum.

17. Terræ si augeantur, summa quoque dotis augeatur.

18. Filii in matrimonialibus pactis addant formulam de exclusione feminarum.

19. Prohibetur alienatio terrarum.

20. Si oppignerandi necessitas adsit, pignus fratri & agnatis prius offeratur. Exteris si oppigneratio facienda, fiat cum revolutionis jure, Marchionibus Badensibus cunctis servato.

21. Rami extincti filiæ octo vel decem mille floreni solvantur in dotem; vel, si monasticam vitam eligat, debito ei modo prospiciatur.

22. Philippus Marchio ceteris fratribus documenta illa tradat, quæ terras eorum respiciunt; documentorum communium eis dentur exempla.

23. Officiales & subditi ad Pragmaticæ hujus legis observationem adstringantur.

24. Tres filii jurejurando hanc legem confirment cum iurium suorum, si quæ habeant, renunciatione.

CHRIST.

25. Sanctionis testamentariae auctor eam denuo corroborat, firmamque ejus observationem promittit.

Non transeundum silentio est, quod Guilielmus Argentinnenis Episcopus Sanctionis hujus fuit praecipuus promotor. Testes Johannes de Schauenburg Gubernator Luxenburgicus. Jacobus Kirser, Doctor juris & Cancellarius. Blicker Landschad de Steinach, Praefectus Pforzheimensis. Conradus a Venningen, Praefectus Durlacensis. Consules denique & Senatores Oppidorum Baden & Pforzheim.

Testamentaria hæc Sanctio die S. Jacobi A. 1515. condita est Pragæ.

§. XXXIII.

Regimen
filiis tra-
djt. His ita stabilitis, Christophorus, corpore debilis, solenni diplomate, die S. Petri ad vincula ejusdem A. 1515. scripto, regimen terrarum, ad formam, quam memoravimus, suis tradidit filiis. Abdicavit se regimine ad quatuor annos, & ad hoc usque tempus consiliariis & officialibus fidem fibi datam remisit. Addita clausula, ne feuda vacantia novo, patris insitu, conferrentur vasallo; neve proprio filii, sed vicario patris nomine gubernarent. Sed paullo post mentis quoque cum accessisset debilitas, Maximilianus Cæsar Literis d. 15. Jan. 1516. Augustæ Vindelicorum datis, tres filios ad anni spatium Curatores & Vicarios patris, in sua quemque portione, constituit.

Eodem anno Equitis Aurei velleris dignitas in solenni Torquatorum conventu, a Carolo Austrio, Belgii Principe, Bruxellis celebrato, translata est a patre Christophoro in filium, qui Caroli aulam sequebatur, (q) Bernhardum haud dubie, Luxemburgica qui feuda acceperat.

Accessit denique alienatio mentis, quæ filios coegerit, ut, acedente auctoritate Cæsarea, patrem veteri Castro Badensi, quod ille nuper deseruerat, A. 1518. includerent. (r)

§. XXXIV.

Pax publica Wormatiæ, ut diximus, in perpetuum stabilita, a rupibus & præcipitiis montium Germaniæ Proceres paulatim invitavit ad plana. Christophorus hanc epocham prævertit. Anno enim 1479. Castrum Badense vetus, ubi conditores & statores gentis quadringentos per annos habitaverant, reliquit, novumque Thermis oppidoque Badæ vicinum ædificavit in loco, ubi Palatum hodiernum conspicitur. Vetus viduæ Matri inhabitandum concessit. (s)

Novum
Badense
Castrum
exstruit.

Mm 3

(q) PETIT *Chronique de Hollande &c.* Tom. I. Lib. VIII. p. 13.

(r) Conventio Philippi atque Ernesti hac super re extat, data Vigilia Vifitat. Mariæ.

(s) Die conventionis Pauli. J V N G L E R Y S in Christophoro.

CHRIST.

Castrum
vetus.

Castrum hoc montanum, ubi incunabula Gentis, unde nomen Badensis Domus profluxit, bellorum temporumque injuriis destructum, in ipsis ruderibus spectatori venerabile una cum hodierno, ad Badæ oppidum sito, tabulis æneis impressa exhibemus Lectori.

§. XXXV.

Investi-
tura Ca-
roli V.
Imp.

Tribus post annis Carolus V. Imp. Wormatiæ Christophoro Marchioni, intervenientibus filiis ejus Philippo & Ernesto, amplissimas dedit litteras feudales d. XXVII. Febr. in quibus terræ exprimuntur sequentes: Marchionatus Badensis, Marchionatus Hachbergensis, dimidia pars Comitatus Ebersteinii, Dynastia Usenbergæ; dimidia pars Castrri & oppidi Malberg. Pars Marchionum in vicis Districtus Riedæ, in Kippenheim, Ichenheim, Kirchzelle, Tundenheim, Altheim; denique vicus Stuzheim Argentinensis Episcopatus. Aurea item Argenteaque monetæ.

Literæ
Clemen-
tis VII.

A. 1524. Clemens VII. Papa literis a nobili viro Marchione Badensi Christophoro petivit, ut Cardinalem Campegium, Legatum a latere, Noribergam ad Comitia Imperii proficiscentem, benigne excipiat, eique tam in conventu ipso, quam alibi opera sua adesse velit. (t)

(t) Codex Diplom. Badensis.